



Inatsisartut
Kukkunersiuinermut Ataatsimiititaliaq
Uunga: Siulittaasoq Erik Jensen
-/Maani

Ulloq: 01-12-2020
Suliap normua: 2020 - 25199
All. nr.: 15474665

Postboks 269
3900 Nuuk
Oqarasuaat (+299) 34 50 00
Allakkasuaat (+299) 34 63
55
E-mail: apn@nanoq.gl
www.naalakkersuisut.gl

Naalakkersuisut oktobarip 16-iani 2020-mi akissuteqaataannut tunngatil-lugu Kukkunersiuinermut Ataatsimiititaliamit apeqqutinut Aalisarnermut, Piniarnermut Nunalerinermullu Naalakkersuisoqarfimmu novembarip 25-iani 2020-mi nassiunneqarsimasunut akissuteqaatit

Inuussutissarsiorluni aalisarnermut aalisakkanik pisassiissutinik akuersissutinillu aqutsineq pillugu ingerlatsinermik misissuinermit nalunaarusiamut atatillugu Naalakkersuisut allakkiaat Kukkunersiuinermut Ataatsimiititaliap misissor-simavaa.

Ataatsimiititaliaq tamanna tunuliaqutaralugu tullinnguuttunik apeqquteqassaaq:

Aqutsinermi tunngavigisat eqqortut nutartersimasullu

Naalakkersuisoqarfiup suliassanik suliaqarnermut ilitsersuutissanik suliaqarnissaq taakkualu attatiinnarneqarnissaat salliutissagai kukkunersiuusup innersuussutigaa.

Naalakkersuisut matumunnga piffissaliussamut tunngatillugu 2022-mut pisassiis-sutinik akuersissutinillu agguaassinerit ilitsersuutit nutaat/iluarsisat malillugit suliarineqassasut oqaatigaat.

- 1) Tamanna sioqqullugu piffissami qanoq pisoqarnissaa paasissutissiis-sutigeqqullugu Naalakkersuisut qinnuigineqarput

Akissut: Aalisarnermut tunngatillugu ingerlatsineq aqutsinermi piffissaliussatigut tatisimaneqarpoq. TAC-it, agguaassinerit akuersissutinillu tunniussinissat ukioq aalisarfiusussaq nutaaq 1. januarimi aallartitsinnagu inissereernissaat angu-niarlugu ukiumi pisussat aaqqissuuteqqissaarneqartarput. Aalisakkanut pisassiiffiusartunut tamanut ukiup tulliani TAC-issat pillugit Naalakkersuisunut kvartalimi kingullermi saqqummiussisarpugut taakkualu saniatigut pisassani agguarsimasani pisassiissutit pillugit nunat marluk aamma nunat arlallit akornanni tamatta isumaqatiginninniartarluta. Tassunga atatillugu nalunaarutinik pingaartu-mik ukioq manna kukkunersiuinermik ingerlatsinissamullu pilersaarutinik suliaqarnermik aallartitsisimavugut. Taakkua tamarmik ukioq naatinnagu Naalakkersuisunut saqqummiunneqassapput. Ilitsersuutit misissornissaannut iluarsinissaannulluunniit ataasiaannartumilluunniit periarfissaqartoqarsiman-gilaq, taamaattumik pisassiissutinik akuersissutinillu aqutsineq ingerlatsinermi

periuseq ilitsersuutillu pioreersut atorlugit ingerlavoq. Akissummi saqqummiun-
neqartutuut malittarisassat ukioq nutaami piaartumik missoqqinnissaat
aallartinneqassaaq.

Inatsisinik malittarisassanillu atuuttunik atuutsitsineq

Naalakkersuisut inatsilerinermik inatsisit malittarisassallu atuuttut pillugit
nalilersuinissamik naalakkersuisoqarfimmiillu atuutsinneqanngitsut pissusissami-
soortuunnginersut allanngortinneqartariaqarnersullu pillugit nalilersuinissamik
siunertalimmik aallartitsinissamik salliutitsissasut kukkunersiuisup innersuus-
sutigaa.

- 2) Ullumikkut inatsiseqarnersoq malittarisassaqaqarnersorlu atuutsinneqan-
ngitsunik paasissutissiissutigeqqullugu Naalakkersuisut qinnuigineqarput

Akissut: Aalisarsinnaanermut akuersissutit pisassiissutillu pillugit Namminer-
sorlutik Oqartussat nalunaarutaanni nr. 8, 8. april 2016-imeersumi § 13-imi
aalajangersarneqarpoq sinerissap qanittuani aalisarnissamut akuersissutinut
qinnuteqaat 30. november nallertinnagu tiguneqareersimassasoq. Sinerissap
qanittuani ukioq naallugu aalisartut nutaat aalisarsinnaanissaasa qulakkeer-
neqarnissaat naalakkersuinikkut kissaatigineqarmat qinnuteqarnissamut piffissa-
liussaq taanna atuutsinneqanngilaq.

Inatsimmut attuuttumut **naapertuuttumik** nalunaarummik aqutsinermut sule-
riutsimut qularnaarinnittussamik iluarsartuussilluni suliaqarneq aallarereerpoq.

Sulianik suliarinnerup allakkatigut uppersarsaasiornera

Naalakkersuisoqarfik suliap suliarineqarnera pillugu suliamillu suliarinnittup
suliami qanoq aalajangiisimanagera pillugu siunissami uppersarsaasiortarnissaa
kukkunersiuisup innersuussutigaa.

Naalakkersuisut matumunnga oqaatigaat, avataani aalisarnermut tunngasunik,
matumani pisassiissutit agguarnerinut tunngavilersuutinik naammattunik
imalinnik ukiumoortumik allakkiortoqartarumaartoq. Oqaatigaluguttaaq; avataani
aalisarnermut tunngatillugu periaaseq taanna atuuttooreersoq ilitsersuutinili
erseqqissaqqittoqarumaartoq atuutilersitsinissarlu piaarnerpaamik sukaterne-
qarumaartoq.

- 3) Erseqqissaatiginninnerit atuutilersitsinerillu taaneqartut timitalerneqa-
reerpat?

Akissut: Aap, taama ittunik allakkiortarneq atuutilereernikuuvoq. 2021-imi
kvaratalimi siullermi ilitsersuusiorneq aallartinneqarpat ilitsersuutit sukaterlugit
nutarterneqarumaarput, periuserli tamanna atuutilersinneqareerpoq.

Sinerissap qanittuani aalisarnermut tunngatillugu akuersissutinik qinnuteqaatinut
tunngatillugu sulianut allagaatit, itigartitsinissamik/akuersissuteqarnissamut
isumaliuteqarnernik tunngasunik imallit ilanngunneqartarumaartut ilitsersuu-
tinullu periuseq taanna ilanngullugu allanneqarumaartoq Naalakkersuisut
oqaatigaat.


- 4) Ima paasininneq eqqortuua; Tassa akuersissummik qinnuteqarnernut tamanut atatillugu allakkianik suliaqartoqartalissasoq?

Akissut: Aap

- 5) Tamanna 2021-p ingerlanerani atuutilersinneqassasoq oqaatigineqarpoq. Taamak piffissaliineq piviusorsiorpa? Taavalu sooq siusinnerusukkut pisinnaangila?

Akissut: Aap, sinerissap qanittuani aalisarnermut ingerlatsinermi periaatsip sukannernerusup 2021-mi tamakkiisumik atuutilernissaa naatsorsuutaavoq. Atuutilersitsiniarneq aallartereerpoq. Piffissaliussamut tunngatillugu 1)-imut aamma 3)-mut akissutit takukkit.

Inussiarnersumik inuulluaqqusillunga



Jens Immanuel

Aalisarnermut, Piniarnermut Nunalerinermullu Naalakkersuisoq



INATISARTUT

Aalisarnermut, Piniarnermut Nunalerinermullu
Naalackersuisoq

Ulloq: 24-11-2020
J.nr.: 01.32.05-000nn

Naalackersuisut akissutaannut ulloq 16.10.2020-meersunut Kukkunersiuiernermut Ataatsimiititaliap malitsitut apeqqutai

Inuussutissarsiutigalugu aalisarnermi aalisarnermut akuersissutinik pisassiissutinillu tunniussisarnermik aqutsivigineqarnera pillugu kukkunersiuisut nalunaarusiaannut Naalackersuisut allakkiaat Kukkunersiuiernermut Ataatsimiititaliamit misissorneqarpoq. Tamanna tunngavigalugu Kukkunersiuiernermut Ataatsimiititaliaq apeqqutinik imaattunik saqqummiussaqaassaaq:

Aqutsiviginninnermi toqqammavissat eqqortut nutartikkallu

Naalackersuisoqarfimmi sulianik suliarinnittarnermut atugassanik najoqqutassianik suliaqarmissaq ingerlaavartumillu nutarterisarnissaq Kukkunersiuisumit kaammattuutigineqarpoq.

Tamatumunnga piffissaliussamut tunngatillugu Naalackersuisunit oqaatigineqarpoq, 2022-mut pisassiissutinik akuersissutinillu tunniussinerit najoqqutassiat nutaat/nutarterneqarsimasut naapertorlugit suliarineqarumaartut.

- 1) Tamanna sioqqullugu piffissami qanoq pisoqarmissaa paasissutissiissutigeqqullugu Naalackersuisut qinnuigineqarput.

Inatsisunik malittarisassanillu atuuttunik atuutsitsineq

Kukkunersiuisumit kaammattuutigineqarpoq Naalackersuisoqarfiup susassaarfiani inatsisit malittarisassallu atuuttut nalilersornissaat siunertaralugu kiisalu Naalackersuisoqarfiup susassaqaarfiata avataani pitsaanngitsunik allanngortariaqartunillu atuuttoqarnerisut nalilersorniartulugu inatsisilerinikkut sulinermik aallartitsisoqarmissaa Naalackersuisoqarfimmi pingaarnersiuiernermi salliutinneqassasoq.

- 2) Ullumikkut inatsiseqarnerisut malittarisassaqaarnerisut atuutsinneqanngitsunik paasissutissiissutigiqqullugu Naalackersuisut qinnuigineqarput.

Sulianik suliarinnittarnerit ingerlanneqartarnerannut allakkatigut uppersaatinik suliaqartarneq

Kukkunersiuisumit kaammattuutigineqarpoq Naalackersuisoqarfik siunissami sulianik ingerlatsineq pillugu, suliamillu ingerlatsisup suliaq pillugu aalajangiinera pillugu uppersaasiortassasoq.

Tamatumunnga tunngatillugu Naalackersuisut oqaatigaat maannamiit siumut isigisumik avataasiorluni aalisarnermi pisassiissutit agguataagaanerinut tunngavilersuutinik tamakkiisunik

imaqartumik ukiumoortumik allakkiortoqartalissasoq. Nangillutillu paasissutissiissutigalugu; avataasiorluni aalisarnermi tamanna maanna atuutereersaq, taamaattorli najoqqutassiat pillugit erseqqissaateqartoqaqqissasoq kiisalu atuutilersitsineq ingerlaannartumik sukateriffiqineqassasoq.

3) Erseqqissaatiginninnerit atuutilersitsinerillu taaneqartut timitalerneqareerpat?

Sinerissamut qanittumi aalisarneq pillugu Naalakkersuisut oqaatigaat, tamatumani akuersissummik qinnuteqarnermik suliat pillugit allakkiortoqartassasoq, itigartitsinernut/tunniussinernut atatillugu isumaliutit erseqqissumik ersersinneqartassallutik suleriaaserlu taanna najoqqutassianut ikkunneqassalluni.


- 4) Ima paasinninneq eqqortuua; Tassa akuersissummik qinnuteqarnermut tamanut atatillugu allakkianik suliaqartoqartalissasoq?
- 5) Tamanna 2021-p ingerlanerani atuutilersinneqassasoq oqaatigineqarpoq, taamak piffissaliineq piviusorsiorpa? Soorlu siusinnerusukkut pisinnaangila?

Aammattaaq ataatsimiititaliamit maluginiarneqarpoq, Naalakkersuisoqarfik akissuteqarsimasoq “tunngavilersukkamik akissuteqartarneq atuutilersimasoq”.

Atortussat kingusinnerpaamik ulloq 3.12.2020-mi tiguneqarnissaat ataatsimiititaliamit qinnutigineqarpoq.

Atortussat Kukkuersiuinermut Ataatsimiititaliap allatseqarfianut mailimut uunga.nassiunneqarsinnaapput:stquo@inatsisartut.gl

Inussiarnersumik inuulluaqqusillunga



Erik Jensen

Kukkuersiuinermut ataatsimiititaliap Siulittaasua